

Nossa raspada



CORPORAZIUN
EVANGELICA
VALSOT

*Mera, tuot fetsch eu dvantar nouv!
(Rev 21,5)*

Allegra!

„Che spetta da l'on nouv?“ am dumonda minch'on. Forsa, perche cha'l müdamaint d'ün on a tschel am fa star salda per ün mumaint o ch'el sdruglia spranzas. Cun l'on nouv nun es simplamaing tuot nouv. Il „nouv“ nun es alch fix chi füss tuot üna jada quia. I's tratta plütost d'ün constant svilup. Ün on nouv nu cumainza independent da l'on passà. Nus pigliai 365 dis cun nus: Algordanzas chi'ns fortifichan e'ns fan rier, novas amicizchas o alch cha nus vain imprais. Forsa eir pisers, dumondas avertas o dischilusius. Cun tuot quai staina al cumanzamaint d'ün nouv on chi porta spranza cun sai.

Cun quist sguard inavo ed inavant imprometta Dieu ch'el farà tuot nouv. Quai nu capitarà d'hoz sün daman, ma d'incuntin in ün unic svilup. Quai voul dir per mai: La nouva creaziun da Dieu nu cumainza pür l'ultim di o cur cha tuot es cler e gratjà, ma capita immez la vita in mincha mumaint.

Culs megladers giavüschs per l'on nouv,

vicara Romana Giossi
Pravenda evangelica
7559 Tschlin
tel. 076 364 91 11
www.valsot-ref.ch

Cults divins schner 2026

Dumengia, ils 11 schner

09:30 Ramosch

11:00 Tschlin

rav. Christoph Reutlinger

Dumengia, ils 18 schner

09:30 Ramosch (cul battaisem da Polly Denoth)

11:00 Vnà

17:00 Tschlin

rav. Christoph Reutlinger

Dumengia, ils 25 schner

11:00 Strada

vicara Romana Giossi, Anna Mengia Correia Santos
Etter e'ls scholars dal s-chalin ot

17:00 Samignun

rav. Christoph Reutlinger

Cult divin culs scholars

Dumengia, ils 25 schner 2026 a las 11:00, in baselgia a Strada celebraina ün cult divin culs scholars dal s-chalin ot.

Dürant plüssas eivnas ans vaina dedichats ad ün text biblic e preparà quist cult divin. Cun bleras bunas discussiuns sun gnüts scrits aignas uraziuns ed oters texts chi tematiseschon Tomas, il scolar da Gesu chi vaiva dubis (Joan 20).

Ün cordial invid dals scholars dal s-chalin ot,
d'Anna Mengia Correia Santos Etter
e vicara Romana Giossi.

Tanter anzas e plets – temp in cumpagnia

Davo ün prüm inscunter cun buna partecipaziun in december segua fingià la seguonda jada! Cun o sainza lana: Il profi sco'l principiant es bainvgnü per passantar ün davomezdi pachific in buna cumpagnia.

Venderdi, ils 16 schner 2026, a las 14:00 i'l caffè Plazzin a Ramosch

Cur cha'ls mans lavuran, dvainta il cheu plü quiet. Cun far lavurs a man as faja impissamaints i'l ritem d'anzas. Forsa pensaina plü cler cur cha nus fain lavurs a man?

Eu m'allegri!

/vicara Romana Giossi